

KANGURA

N°22




IJWI RIGAMIJE GUKANGURA NO
KURENGERA RUBANDA
NYAMWINSHI.

100 FRW



Nta gitangaza kirimo kuba Habyarimana
yakwiyemeza guhindura aba ba Ministres.
Abaturage bagomba kumenya ko biri mu
rwego rwo kubahiriza Itegeko-Nshinga.



- NAHIMANA Ferdinand umuyobozi wa ORINFOR nadahindurwa vuba arateza imidugararo mu gihugu.
- Rukokoma yo muri Zaïre yatumye abasirikare n'abaturage bigabiza amaduka y'abacuruzi.

BIMENSUEL INDEPENDANT
EDITEUR : GISENYI-INFO
REDACTION ET DISTRIBUTION : GISENYI-INFO
B.P. 19 GISENYI, B.P. 1312 KIGALI

Tél. 40625 — GISENYI
73586 — KIGALI
FAX : 40519 — FAX : 75408

Le contenu des articles engage
l'Auteur et l'Editeur

Abonnement annuel : Rwanda : 2400 FRW
Afrique : 4400 FRW
Europe : 5000 FRW
Sur cpte BCR - 1427314 KIGALI

I.N.R. n'est engagée
que par la qualité de l'impression.

Muri icyo gihe umupadiri yacishagamo akavugako KINYAMATEKA yasohotse. Tuzasoma se misa y'irihe dini ngo tugenze nk'abandi? Dushyire mu gaciro: mu by'ukuri kwamamaza KANGURA kuri RADIO-RWANDA kuko ari ikinyamakuru gicuruzwa kandi cyigenga kivugira rubanda nyamwinshi bitwaye iki?

KANGURA se yemeze umuco wa LUNARI, itemera Revolisiyo yo muri 59, noneho ijye ifata ihembe n'ingoma kugira ngo ibone uko imenyeshya rubanda nyamwinshi ko yasohotse? Mu majyambere twazaniwe na Perezida HABYARIMANA ibyo ntitwabyemera. Ahubwo Leta nyihutishe umushinga wo kureka

amaradiyo yigenga ngo akore. Nk'uko twabibamenyesheje kuva muri Nyakanga 1991, Gisenyi-Info ifite umushinga wo gushyiraho RADIO yanyu yigenga «La voix du Peuple» (Ijwi rya Rubanda).

Nta kitavugwa kuko n'iyi bigoye baragenekereza cyangwa bagaca amaranga. Perezida HABYARIMANA ntako adakora kugira ngo ubukungu bw'igihugu bwifate neza. Abakurikiranye intambara zo mu bihugu nka Tchad, Somalie, Ethiopie, n'amapfa yo mu bihugu bituriye Saheli bazi neza ko abakozi baho bamaze amezi n'amezi ndetse n'imyaka badahe mbwa kubera amikoro make atewe n'intambara n'inzara.

Nyamara muri iki gihugu cy'imisozi igihumbi, kubera ubushishozi no gushyira mu gaciro bya Perezida HABYARIMANA, abakozi ba Leta bose barahembwa. Gusa igiteye impungenge ni uko hari abibeshya ngo amashyaka menshi yarangaje rubanda bakanyereza bataziko uwiba yububa abonwa n'uhagaze. Abashinzwe kurengera inyungu za rubanda barahagurutse. Ubu baracunga kuva k'umuturage, Selire, Konseye kuzamuka kugera icyo. Hazagire ukomeza kwibeshya ngo turi mu nzibacyuho! Kuvuga si ukuryana kandi si ngombwa kubyita gusangira. Cyakora umubyeyi nta we aheza.

GISENYI-INFO.

LETTRE OUVERTE AU PRESIDENT DE LA REPUBLIQUE

Journal KANGURA
C/o Gisenyi-Info
B.P. 19 Gisenyi

Impamvu:
Ibibazo biri imbere mu gihugu

Gisenyi le 01/10/1991

Ibaruwa ifunguwe yandikiwe Perezida wa Repubulika y'u Rwanda,

Nyakubahwa Perezida wa Repubulika,

Nk'uko twakunze kenshi kuba gezaho ibibazo biri imbere mu gihugu, twagiraga ngo twongere tubagezeho bimwe mu bivugwa hanze aha:

1. Nyuma y'iperereza ryakozwe n'abanyamakuru ba KANGURA, ryatweretse ko mu matora ataha muzongera kuyobora uru RWANDA nk'uko twabibwiwe n'Abanyarwanda benshi. Imbonerahamwe ikurikira hepfo iragaragaza imyanya M.R.N.D. yabona mu matora yakorwa kuko twerekanye amanota ifite mu mpande zose z'u Rwanda. N'aho bigaragara ko MRND ifite amajwi make, abatu-

rage baho baragushyigikiye nk'uko babyivugira. Ndetse biyemeje kuzisubiraho bakagana ishyamba mwabatoje nimwemera guhindura abo andi mashyamba yita "abasengengeri". Ni ukuvuga abayobozi batemerwa n'abaturage. Kandi bariho mu nze-gu zinyuranye.

2. Kubera ko Itegeko-Nshinga ryemerera buri muntu gutanga igitekerezo cye, twerekanye icyo rubanda itekereza ku bazahindurirwa imirimo. Guverinoma ubu ikwiye guhindurwa, igashyirwamo amatwara ahwanye n'igihe tugezemo, kubera ko umwuka igihugu gihumeka ubu atari mwiza, ukaba ugomba gusukurwa na Guverinoma y'inzibacyuho igomba gushyirwaho mbere y'Ugushyirwa. Si ngombwa ko Abaminisitiri bese bavaho kuko hari igihe na byo byazambya igihugu. Muri icyo Guverinoma, Abanyarwanda bakeneye abantu bafite amatwara avanze n'ubuhanga biberanye n'u Rwanda rwa none. Ni ukuvugako hazajyamo Abaminisitiri batanyijwe kubera ubuhanga bagaragaje kandi bagashyirwa muri za Minisitiri zizatuma bakomeza kubugaragaza. Nta gufata umusiviri ngo ahabwe Minisitiri y'ingabo cyangwa ngo Agorome ayobore Mi-

nisiteri ishinze politiki na bwo muri Perezidansi ya Repubulika.

3. Ku bijyana n'ubutabera, mwebwe ubwanyu mwakunze kugaragaza ko mutabwizera. Ndetse mugera aho mubishyira muri za disikuru, mwamagana imikorere y'ubucamanza. Kubera ko hari abahanwe n'ubwo bucamanza bwazambye, bukaba bwaranakoreraga ishyamba rimwe ritabashije kubonako hari abarengana muri urwo rwego, byazaba byiza u Rwanda rukozwe ihana-gurabusembwa risesuye, bityo abahanwe bese n'ubwo bucamanza bwazambye bakababwirirwa. Hanyuma mugatuma Inama y'Igihugu Iharanira Amajyambere izaba ihuriweho n'amashyamba menshi, ibuvugurura. Hagati aho ingingo zimwe na zimwe zigahinduka, kuko bitumvikana ukuntu mwakwemerera abaturage, ndetse Itegeko Nshinga ryemerera umuntu kugaragaza ibyo anenga akoresheje imyigaragambyo igihe ari ngombwa, hanyuma ingingo ya 166 mu gitabo cy'amategeko ahana igakomeza igakoresheka. Ibyo bituma amahanga adufata nk'abana batobere urwondo mu kiziba cya politiki.

Si ngombwa ko harondorwa amazina y'abarengana kuko imyigaragambyo yabaye muri za gereza z'u Rwanda muri ibi bihe ibyerekanaga (Kigali, Ruhengeri, Gisenyi). Abanyururu baricwa bazira ubusa, Minisitiri ushinze ubucamanza akemerako Leta ikora amakosa nk'ayo, mu kutubahiriza amakosa yishyiriyeho. Umuntu ahabwa ibihano bidakwiye kubera ubuswa, ruswa n'icyenewabo by'abacamanza. Birababaje kandi biteye agahinda iyo wumvise umucamanza yihanukira ngo mu ijoro ritazwi, ku muni utazwi, uri mu gatsiko katazwi, witwaje intwari itazwi, wakoreye icyaha aha n'aha. Ubwo rubanda igahabwa ibihano bityaye mu maherere nk'ayo aterwa na bya bintu bitatu bimaze kuvugwa. Kubona umuturage yarakomeje kubeshywa ngo iriya Minisitiri ni iy'Ubutabera, kandi atarigeze arenganurwa na rimwe, ahubwo ikaba yarakoreye abategetsi ibyo bashaka ku giti cyabo, n'abanyamafaranga ibakorera ibyo bifuzwa, ubwo rubanda na Leta bapfa rumwe. Ingero z'uko Leta ihindurwa ni nyinshi. Urwa hafi ruri muri SONARWA kuri dosiye ya Gisagara J.B. izamuhesha akayabo k'amafaranga miliyoni mirongo itatu.

Si ibyo gusa bigaragaza ko umutu-

rage na Leta bakirengana: ejobundi Minisitiri w'Ubucamanza yiyamye abayikoreshe ingoma y'igitugu, bagakoreshe ikiboko muri Gereza, bakavunagura abagororwa.

Uretse n'ibyo muzi neza ko NGEZE Hassan aherutse muri Gereza azira ubusa. Aho arekuriwe agatsiko kazwi n'ubutegetsi kakigabiza urugo rwe n'amajerekani yuzuye lisansi, kagasuka ku nzu maze kagatwika. Muri iryo joro yatabawe n'abaturage. Perefe w'umugi wa Kigali azi uko byagenze ahereye kuri raporo yashyikirijwe n'inzego zakoze anketi. None bishoboka bite ko abo bantu, n'ubwo bakomeye, bakomeza guhishirwa, n'ubwo bugome bwose.

Si ibyo gusa yakorewe amaze gufungurwa. Mu ijoro ryo kuya 26 Nzeli 1991, agatsiko kagizwe n'abajandarume ku Gisenyi, kigabiye urugo rw'umukecuru we, akubitwa biteye isoni n'abo bajandarume, abandi bari mu rugo na bo babakorera ibya mfura mbi. Kandi niba ari na we washakagwa ntiyari yabuze. Ubwo bugizi bwa nabi, Nyakubahwa Perezida wa Repubulika, yabukorewe n'abajandarume bo ku Gisenyi. Biragaragara ko hari abatweme n'inzego zo hejuru, none tukaba twibaza icyabuze kugira ngo abo bantu bashyirwe ahagaragara.

Urugero rw'abahiga NGEZE Hassan mu buryo bwose, muzi ubwabyo ko ruherutse kwigaragaza ku bategetsi bahora bikekaho ko azashyira ahagaragara amakosa yabo, igihe bakwizaga taragite mu mugwi wa Kigali, zivugaga ngo KANGURA yaguzwe n'umwanzi, kugira ngo nimuramuka mutekereje nka bo, muzatange ubuzima bwe. Ese aho kugira ngo bace muri izo nzira, mwabatubwiriyeho bakamurega akaburana nabo, ibyo bamuziho bakabitangira ibimenyetso.

Ibyo bibazo byose byavuzwe bituma abanyamahanga bibaza aho u Rwanda rujya bakayoberwa, n'abaturage babashyizeho bagashoberwa.

Ese aho turi duce M.R.N.D. iburamo abayoboke ntibyaba biterwa n'izo nenge zose zavuzwe haruguru. Ku byerekeye ibikorwa mwakoreye iki gihugu bibonwa n'abashyira mu kuri bese, kandi ni bo benshi.

Bemeza ko ku mwanya wa Perezida wa Repubulika muzabona 92% by'abazatora ariko ku byerekeye ishyamba, hari byinshi bikenewe gukosorwa kugira ngo iriya mbonerahamwe igire icyo ihinduka bityo na M.R.N.D. izagire Abadepite biganza mu Nama y'Igihugu Iharanira Amajyambere izaba ihuriweho n'amashyamba menshi.

KUGEZA MAGINGO AYA DORE UKO TWE TUBONA ABANYARWANDA MU KWITABIRA AMATORA MU MASHYAKA MENSHI KUBERA IMPAMVU ZINYURANYE

	MRND	MDR	PSD	PDC	PL
Kigali	70	20	5	1	4
Gitarama	60	38	1	0	1
Butare	44	40	10	2	4
Gikongoro	35	50	12	1	2
Cyangugu	70	25	4	1	0
Kibuye	45	50	3	1	1
Gisenyi	81	15	1	3	0
Ruhengeri	90	9	0	1	0
Byumba	83	17	0	0	0
Kibungo	48	46	0	3	3
Kigali Ville	30	38	10	2	20
RWANDA	60%	32%	4%	1%	3%

* Iyi mibare yose yashyizwe ku ijanisha.

Iki gishushanyo mbonera uko kimeze uku, cyagira icyo kivugaga ku matora yose azakorwa uretse irya Perezida wa Repubulika.

LETTRE OUVERTE AUX PRESIDENTS DES PARTIS POLITIQUES

Journal KANGURA,
C/o Gisenyi - Information
B.P. 19 GISENYI

Impamvu :
Kugaragaza imikorere y'uwahawe
akazi adashoboye

Kigali, le 04 Ukwakira 1991

Ibaruwa ifunguye ku bayobozi bahagarariye amashyaka yemewe mu RWANDA.

Ba Nyakubahwa Bayobozi,

Twebwe abagize ishyirahamwe GISENYI-INFO, tukaba tugagarariza ibitekerezo byacu muri KANGURA, ikinyamakuru cyemerwa n'Abanyarwanda hafi ya bose, ndetse n'abanyamahanga bakurikiranira hafi ibibera mu Rwanda bakaba bamenya ibibabaje rubanda bifashishije icyo kinyamakuru, dore ko ari na cyo umusemburo wa demokarasi mu Rwanda.

None rero tugiye kubagezaho ubushakashatsi twakoze ku muntu wahawe imirimo adashoboye. Nk'uko na mwe mwakunze kubiyugira mu biganiro mbwirwaruhame, mwemeza ko uwo muntu imikorere ye idindiza demokarasi mu Rwanda. Bityo mukaba mwarakunze gusaba ngo ahindurirwe imirimo inzira zikigendwa. Mu by'ukuri namwe ubwanyu ndetse n'Abanyarwanda bakunda demokarasi, mwemeza nta shiti ko ibyo KANGURA itangaza aba ari ukuri kwambaye ubusa.

Ba Nyakubahwa, kuba ibyo tuvuga Leta isanga bifitiye igihugu akamaro, noneho igahita ibishyirira mu bikorwa, ntibisobanura ko ari ikinyamakuru cyabwo, nk'uko abo ashyira ahagaragara bagenda babyitwaza. Yewe n'abavuga ngo abanyamakuru ba KANGURA ni abahanuzi ntibaba bibeshye, ntibaba bibeshye kuko icyo bakora ari ugu-shyira ahagaragara amarorerwa

aba yarakozwe, akorwa, cyangwa ari mu migambi yo kuzakorwa, bityo byajya ahagaragara, Leta yasanga koko bifite ishingiro ikarenganura rubanda. Kuko, birazwi, ubutegetsi ni ubw'abaturage, butangwa nabo kandi akaba ari bo bukorera.

Kubera ko Umuyobozi wa ORINFOR, Nahimana Feridina ndi twasanze amarorerwa yakoze mbere y'uko agabirwa uriya mwanya wamunaniye ku buryo bubonwa na bose, tutashobora kuyihanganira, twiyemeje gusohora imikorere mibi ye mu nimeru za KANGURA zizakurikira kugeza ubwo azihana, akisubiraho, kandi agasobanurira rubanda ibimuvugwaho byose, cyangwa se agahindurwa. Ariko bizamugora kuko Abanyarwanda bavuga ngo akabaye icwende ntikoga, niyo koze ntigashira umunuko.

NAHIMANA NI MUNTU KI ?

Nahimana ukomoka muri Gatonde mu Ruhengeri utarigeze yiga umwuga w'itangazamakuru cyangwa se ngo anawukore, yarateruwe mu buryo butunguranye, aterekwa ku ntebe y'ubuyobozi bw'itangazamakuru rya rubanda, kuko iyo bira-muka bikozwe, bari kumenya uwo ari we, icyo ari cyo n'icyo agamije. Agahomamunwa ni uko yahawe uwo mwanya wo kuyobora itangazamakuru atarikunda, nk'uko byerekanywe n'abanyamakuru bose bo mu Rwanda igihe bateranaga mu nama yabahuje bwa mbere. Ndetse abo banyamakuru baje kwifuza ko yahindurwa none ubu bategereje ko bahabwa undi muntu ushoboye ako kazi.

Ba Nyakubahwa, mwese muzi neza amarorerwa yakoze na n'ubu kandi agikora muri ORINFOR. Abakozi benshi babishoboye yabirukanye nta mpamvu ku buryo abanyamashyaka mutegereje icyo Perezida wa Repuburika wamushyizeho abivugaho. Abirukanywe

bose, amahanga adufasha, yasabye ko basubizwa mu mirimo yabo, Nahimana avuga ko bazasubizwa mu mirimo kuri ORINFOR ari uko abamugabiye bamukuye ho ibiganza. Ingero ni nyinshi ku buryo umunyarwanda wumva Radiyo cyangwa usoma ibinyamakuru bya Leta yabitangira ibimenyetso.

Dore nk'umunyamakuru wari uhagarariye RADIYO ikomeye yo mu Bufaransa, agakora no kuri RADIYO RWANDA aherutse guhuzatwa, ibi bikaba byatuma u Bufaransa bugabanya inkunga bwatanga itangazamakuru ryo mu Rwanda kubera ubuswa bwa Nahimana, kuko ibyo uwo munyamakuru yatangaje ari demokarasi yari ashyigikiye. Ntibyumvikana ukuntu yakomeza kuzambya ibintu kandi ibimenyetso bigaragazako imvururu azateza mu gihugu ari nyinshi. Nko mu kwezi gushize yatanze lisiti y'abakozi bemewe n'igihugu kubera ubuhanga bwabo muri ORINFOR, nyamara asaba ko ngo bahindurwa, abaziza ko batahuye ubuswa bwe.

Iyo lisiti yageze kwa Perezida, ihita isubizwa Nahimana igitaraganya kuko yari iteye isoni. Aho tuributsa ko na wa wundi wakoze igikorwa cyo gushyira F.M. kuri Kari-simbi Nahimana atamushakaga, kandi isi yose imwemera kubera icyo gikorwa cyiza.

Dore nk'ubu abakozi benshi cyane bakora muri ORINFOR, bifatanyije n'abanyamakuru bigenga, ndetse n'abandi bose birukanywe, biyemeje kuzandika basaba gukora imyigaragambyo, ngo barebeko nibura Leta yamuhindura. Abamucira akari urutega ni 3 gusa: umwe yamugabiye ubuyobozi bwa RADIYO undi amuha ubw'Imvaho, usigaye aracyamushakishiriza.

Dukurikije isesengurwa ryakozwe ku bo yirukanye, dusanga abiganje ari abadakomoka hamwe na we n'abadahuye na we ubwoko. Namwe mushobora kwibaza i-

CYANGUGU : M.R.N.D. MURI KOMINI KIRAMBO NIKU-REYO AMASO, KUKO MAYIRA YAYISIBIYE AMAYIRA.

Nkuko biri mu mutwe w'iyi baruwa mbandikiye nasomye KANGURA N° 19, none ndifuza kugira icyo nongera ku nyandiko yanyu. Mu by'ukuri inyandiko mwasohoye nta binyoma birimo ku byerekeye ibivugwa kuri Burugumesitiri Mayira Mathias wa Komini Kirambo.

Gusa we byaramubabaje ku buryo yabujije ikinyamakuru cyanyu kongera kugurishwa muri Komini ye.

Ntabwo ubukana bwe bwabujije abaturage kuyigura. Gusa muri iki gihe M.R.N.D. muri Komini yacu igeze ahaga kubera uwo mugabo. Abaturage bararahiye ko bataziyandikisha muri iryo shyamba Mayira Mathias akiri Burugumesitiri w'iyi Komini.

Witembereye muri Kirambo usanga imvugo ari "M.R.N.D. nihitemo Mayira Mathias cyangwa nihitemo amajwi y'abaturage". Ibyo bigaragazwa nuko abaturage bama-

ze kumukubita incuro 2 zose ntawe arega. icyo rubanda rwifuje kuva mbere hose nuko avaho ariko ntutuzi icyo leta yamubitsemo ibyo bikaba byaratumye abaturage banga M.R.N.D. Uwo mugabo azi ko ubutegetsu yabwikondeye ku buryo usanga abyigamba iyo yasindiye mu kabare ko kwa Ngezahayo Hesironi kari mu Ityazo.

Ngusetse, aherutse gusinda arakubitwa ndetse n'imbunda ya Komini barayivuna, ubwo dukeneye imbunda n'amasasu byo guhashya umwanzi we arabona izo avuna. Iyi nyandiko ntabwo igamije kumuharabika, mushaka ukuri gusesuye muzanyaruke mubonane n'abayobohe ba M.R.N.D. mu Kirambo. Tubabajwe nuko iryo shyamba ryacu rihatereye umurongo kubera umuntu umwe.

Abaturage ntitwanga ishyamba ahubwo twanga ko aridutsindagira kandi mu myaka 17 amaze ari Buru-

gumesitiri yikurikiriye inyungu ze gusa ku buryo isoko rya Kirambo ryinjizaga amafaranga 120.000 Frw buri mugoroba ritakibona na 1/3 cyayo kubera kuyarigisa.

Dore icyo nari nibagiwe "wari uzi ko mu bategetsu b'i Cyangugu Mayira ariwe wenyine unywa ibiyobya bwenge (urumogi). Iyo yagatumye arwana n'abaturage kuko bitumera ibitekerezo bibi. Mbasabye kuntangariza ibi bintu kugira ngo ubwiru bwe burusheho kumenyekanaho kandi no gutangaza amazina yanjye ntabwo bujijwe naho M.R.N.D. muri Kirambo nikureyo amaso Mayira yasibye amayira.

Umusomyi wa KANGURA

Migambi Jean François

NDRL:

Bwana Mathias Mayira, umaze gusoma ibi hari icyo wongera ku nyandiko ya Hitimana Noël ngo yashavuye abayobohe bawe?

BIZIMANA Jean Baptiste wo muri C.R.R ARASONGA IMBABARE NAHO MINISITIRI NSENGUMUREMYI AKARYUMAHO

Nyuma y'ibyatangajwe mu kinyamakuru UMURANGA Spesiyali cyo kuwa 18 Nyakanga 1991 byerekeranye n'inyerezwariyagenewe abavuye mu byabo bitewe n'intambara muri Prefecture za Ruhengeri na Byumba, ubu tukaba enquete tuyigeze kure ngo tuzagaragaze aho ukuri guherereye, twaje kugwa kuri dosiye iteye agahinda.

Hambere aha abagiraneza bahaye CRR imfashanyo y'imiti ifite agaciro karenga miliyoni eshanu. Iyo mfashanyo y'imiti yari igenewe ikigo cy'impunzi z'abarundi kiri i Gisenyi.

Aho igereye muri CRR BIZIMANA Jean Baptiste Secrétaire Général adjoint muri CRR, yayiciyemo imirwi, imwe arayitanga, maze yisigira imiti ikunze gukenerwa na rubanda nyamwinshi (itako ry'umutware) ayirekera muri stock ategereje kuzayigurisha ku giti cye n'amafarumasi privées. Ibyo rero ntibayaje kumuhira kuko mu gihe yariho yiruka inyuma y'abanyamafarumasi ashakawamuha inoti zitubutse, ya miti yaje kuborera muri stock. icyo tutazi ni ibisobanuro yahaye abamutegeka.

Si ubwa mbere kandi, uwo mugabo wagaragazwe yakonze CRR dore ko ayimazemo imyaka kandi nta bundi buhanga agaragaza, akomeje kubangamira bikabije inyungu za CRR. Dufite ibimenyetso bihagije ko ariwe utuma dosiye RP 32.237/KGL, isaziye mu Rukiko rwa mbere rw'iremezo rwa Kigali gukurikiranwa kuko bene kuregwa bamuhaye igice cy'amafaranga banyereje. Abaregwa ni:

- UWIMANA Antoinette warigishije 1.279.799 FRW

- MUNYAZIKWIYE Ignace wibye 4.784.000 FRW.

- na UWIMANA Odette wanyereje 417.529 FRW

Ikibabaje rero ni uko abo bose biyemereye icyaha mbere y'ubushinjacyaha.

Nkuko rero namwe mubyibonera, uretse kuba yakurikiranwa mu bucamanza, igihe kirageze cyo kugira ngo asezererwe muri CRR kuko umutima w'impuhwe wagombye kuranga abatabazi ntawo akifitiye, ahubwo yahindutse umucuruzi.

N.B.: Minisitiri Nsengumuremyi, ibyiza yakwicekera. Nakomeza kwikoma Kangu-ra tuzavugaga ibintu byose.

Ubwoko bw'umuti	Umubare w'ibyatikiye	Agaciro mu FRW
1. Sel de Rehydratation	1000 sachets	15.000 FRW
2. Glucose à 30 %	12 ampoules	600 FRW
3. Streptomycine 5 Gr	1550 flacons	232.500 FRW
4. Quinine injectable	28800 ampoules	2.304.000 FRW
5. Lignocaine	5425 flacons	1.627.500 FRW
6. Nitrofurantoïne	7300 comprimés	58.035 FRW
7. Vitamine B complet	85.000 comprimés	127.500 FRW
8. Povidone iodine à 10 %	25 flacons	12.000 FRW
	Total	4.377.635 FRW

P.L. YANANIWE KWITANDUKANYA N'INKOTANYI ZA F.P.R.

Ku cyumweru ku italiki ya 1 Nzeri 1991 ishyaka rya P.L. (Parti Libéral) ryahawe urubuga mu murwa mukuru wa Kigali kugira ngo risobanurire abanyarwanda amatwara yaryo. Iyo nama yatangiye mu ma saa yine n'igice, yitabiriywe n'abantu batarenze ibihumbi bine. Muri ibyo bihumbi bine, abenshi bari abana bato n'insoresore ku buryo abari bemerewe gutora batageze no kuri 3/4. Twakongeraho kandi ko benshi cyane mu bari bitabiriywe iyo nama ari abatutsi.

Iyo nama yatangijwe n'indirimbo yubahiriza igihugu. Igihe twayirimbaga, hari abayoboke ba P.L. bakomeje kwiyaambarira udugofero tw'ishyaka ryabo. Ese mama kuriya gusuzugura ibendera rya Repubulika y'u Rwanda hari isanō bifitanye n'amatwara yabo yo gupfobya ubutegetsi bwa Repubulika bagakundwakaza ubutegetsi bw'ingoma ya gihake? Igisubizo uragisanga mu magambo bivugiywe.

MUGENZI Yusitini ingirwa Perezida wa P.L. niwe wabimburiye abagombaga gufata amagambo, yatangiye ku kibazo cy'intambara. Yatangiye atera igitutu inzirabwo-ba zacu avuga ngo hari «abibeshya ngo baratsinze» kandi inkotanyi zigikomeye. Akomeza avuga ko ababajwe n'abana babo bapfuye, yabonyeho umwanya wo gusaba abayoboke ba P.L. kwisuganya bagashakako uko «atabara abana babo (inkotanyi) bagihumeka». Ese mama ko MUGENZI atazi kurasa ziriya inkotanyi azazitabaza iki? Ariko afite akayabo k'amafaranga yasahuye mu banyarwanda azajya azoherereza!

Tukiri ku kibazo cy'intambara MUGENZI yirinzwe kuvuga ubutwari bw'ingabo z'u Rwanda; nyamara igihe zarengeraga abanyarwanda nawe yari arimo. Ese ko avuga ngo ingabo z'u Rwanda ntizatsinze, MUGENZI yatwereka nibura metero kare imwe y'ubutaka bw'u Rwanda igenzurwa n'inkotanyi?

Kubona MUGENZI agera n'aho abeshya ngo MUSEVENI siwe udutera? Niko MUGE, inkotanyi zicumbikiwe n'ikihe gihugu? Zigemurirwa n'ikihe gihugu? Ibikoreshe bya gisirikari zikoreshe bigurwa n'ikihe gihugu? Genda MUGENZI muri ariya magambo wavugiyeye kuri sitade rejiyonari y'i Nyamirambo werekanye ko udashobora kwitandukanya n'inkotanyi. Amagambo MUGENZI asigaye avuga arangwa no kwivuguruzanya cyane. MUGENZI ubwe yabwiye abanyamakuru bamwemeza ko P.L. ikorana n'inkotanyi MUGENZI, yabihakaniye kure avuga ko atazizi. Nyamara kuri Sitade yivugiyeye ko azajya gushakira abayobozi ba F.P.R. n'ab'inkotanyi ngo akabumvisha ko bagomba kureka kudutera. Nyabuneka Repubulika y'u Rwanda ntizatume MUGENZI agenda wenyine, kuko P.L. icyo gihe yaba ihawe urubuga rwo gufata n'inkotanyi ku mugaragaro. Noneho P.L. igakorera imbere mu Rwanda naho F.P.R. ikayunganira iri hanze.

Ku kibazo cy'amoko, MUGENZI Yusitini umuyobozi wa P.L. yiyemereye ko ngo hari «ubwoko busumba ubundi» Dore ko no mw'ibendera ry'ishyaka rya P.L. harimo inyenyeri 3 ziranga amoko y'abanyarwanda. Hari inyenyeri imwe iri hejuru y'izindi 2, iyo nyenyeri iri hejuru ikaba ari ubwoko bw'abatutsi bugomba kujya hejuru y'ubwoko bw'abahutu n'ababashushanyijwe n'inyenyeri 2 rizinganiye ku murongo wo hasi! None se banyarwanda baharanira ukwishyira ukizana kw'abanyarwanda, hari ukuvangura amoko gusumba kuriya kwa P.L. Bariya bahunze rero bayobera muri P.L. bakomeze kujyamo ariko biyemeje guhakwa na bariya batutsi nk'uko ibendera ryabo ribisobanura. Naho abatwaga bo ndakeka baciye akenye ku buryo badashobora kwemera gusubira ku ngoyi y'inkotanyi. Mugenzi we ya-

nivugiyeye ngo abahutu badafite protection (uburinda) ngo bashirira kw'icumu! Ese uriya MUGENZI ko ari umuhutu ni uwuhe mututsi umurinda?

Icyakora rero natitonda bariya batutsi bamubeshya ngo bazamurinda, niba bazamwihanira, dore ko we yavugiyeye ngo amarorerwa abatutsi basigaye bakora ari menshi ku buryo yatinye kuyavugira ngo kugira ngo Imana itabumva ikabasukamo umuriro. Mugenzi yibagiye ko Imana ihora ihoze. P.L. ntabwo icira akari urutega amashyamba aharanira ko amatwara ya demokarasi na Repubulika yashyamba imizi mu mibereho y'abanyarwanda. Ibyo MUGENZI Yusitini umuyobozi wa P.L. yaberekanye igihe yibeshyaga ngo araharabika MRND na MDR atazi ko rubanda nyamwimishyamba ubu yahumutse.

Yarabanje aranjwaga ngo MDR ni isubira ku butegetsi izamena amaraso. Niko MUGENZI we hari aho ariya magambo wayasomye mu mahame remezo y'ishyamba rya MDR? Ese hari umuyoboke wa MDR wabonye yicana nkuko inkotanyi uvugira zibigirira abanyarwanda baturiyeye umupaka w'u Rwanda n'u Bugande? Mugenzi rero uramenye ko politiki y'ibinyoma abanyarwanda batayishakira. Kandi nujya kwamamaza ishyamba ryawe uzajye uvugira icyo uzamarira rubanda nyamwinshi. Nushakira gufobya irindi shyamba uzajye uhura ku bikorwa byaryo, ureke kuritiza amakosa wumva wowe wakora. Kubona ubeshya abari baje gusa igihe cyabo ngo barakumva ngo MRND yasubije abanyarwanda inyuma. Ese MUGE, mbere yo kucyatsa ako kageni, wiyibagije ko ibya Mirenge utunze wabibonye (nako wabishimuse) muri Repubulika ya kabiri? Ese none ubwo wabibonye ari uko uri umukigira ra??? Ngo ubwoko bumwe abatutsi bahejwe mu bya rubanda. Ngo abenshi bimwe akazi, mbega ikinyoma?

Iyaba wari uzi ko ahubwo abatutsi aribo baryamiye abahutu. Niba ugishidikanya jya gusoma inya ndiko Dogiteri Lawuriyani UWIZEYIMANA umwarimu muri Dialogue n° 146 yise "L'Equilibre Ethnique et régional dans l'emploi (bisobanura ngo Iringaniza ry'amoko

n'uturere mu kazi). Uzasanga ari muri leta ari mu masosiyete yigenga cyangwa agengwa na leta abatutsi barengeje 14 % by'abakozi kandi ibarura ryarerekanye ko abatutsi ari 9,77 % gusa. None se MUGENZU, urabona ahubwo koko abatutsi ataribo baryamiye abandi banyarwanda?

MUGENZU rero reka kubyashya abanyarwanda ngo MRND hari abo yaheje mu mirimo kandi na UWIZEYIMANA Lawuriyani umuhanga wemerwa mu Rwanda ndetse no kuisi hose asoza iriya nya ndiko ye yemera ko mu Rwanda ntavangura ari iry'amoko, ari iry'uturere ryabaye ryatuma abatutsi (cyangwa undi munyarwanda) begura imbunda ngo bagiyeye

kumena amaraso y'abandi banyarwanda. icyo na kongeraho n'uko UWIZEYIMANA yandika iriya nyandiko yifashishije imibare afite umugambi wo kwereka abanyarwanda ukuri ku kibazo cy'iringaniza ry'amoko n'uturere mu kazi ko mu Rwanda. Uriya muhanga rero ukunda kuvugisha ukuri ntuzabeshye ngo hari ubwoko runaka cyangwa akarere aka naka ashaka kurengera, ahubwo we arifuza kubera rubanda nyamwinshi urumuri rw'ukuri kuzira ikinyoma.

Undi wafashe ijamba ni uwitwa MBONAMPEKA S. Natangajwe n'uko iriya mpumyi muri politiki yavuze amagambo meza ariko abayoboze ba P.L. bakamwima amatwi dore ko n'amashyi yo yarinze kurangiza ntayo yiboneye. Ese mama yazize ubuhutu bwe? Dore ko ubu hari n'abahutu benshi bafatwaga nabi muri ririya shyamba none ubu bakaba basezera ari benshi. icyakora uriya muhutu MBONAMPEKA nakomeza kwanga kumva inama za bene kanyarwanda ntabwo azanga kubona ako abatutsi bazamuheke-

sha. Nyamwanga kumva ntiyanze no kubona kandi ngo agapfa kaburiwe ni impongo.

Bayigamba Adalbert ushinze uburezi n'umuco muri P.L. niwe wakurikiyeho. Yabaye agitangira kuvuga abantu benshi barigendera dore ko bari barambiwe kumva aho imigambi yo kurimbura rubanda nyamwinshi ifatirwa.

Ba Ntamabyariro Agnès nabo bakurikiyeho bizeza abari bakiraho ko abagabo benshi bazabayobora muri P.L. Ndasingwa Landuwaridi niwe washoje iyo nama. Ngo n'ubwo acumbagira ariko muri P.L. niwe uzinjiza ibitego byinshi. Igitego cya mbere ngo n'uko azatega abatutsi bese kuyoboka kandi bagatora P.L. Igitego cya kabiri ngo n'uko umuhutu wese wumva ashobora kubabingirwamafaranga ko bashobora kumwemera mw'ishyamba rya bo. Ariko ngo ubu bahunze mbere na mbere bagomba kwemera guhakwa.

RUBERA Papias

P.S.R

IBYITSO BIKOMEJE GUTEKA UMUTWE MU MASHYAKA ARIKO IKABAPFUBANA.

KANGURA ikoresheje ukuri n'ubutabera yiyemeje kwereka abanyarwanda abagizi ba nabi bagambiriye kunyunyusa imitsi y'abaturage ndetse n'abashaka kudusubiza ku ngoyi ya gihake KANGURA izakomeza gutangaza imigambi yabo mibi.

Muri iki gihe cy'amashyamba menshi, abatutsi bagifite inyota yo gutegeka bakomeje gushakisha amayeri yose basenya amashyamba y'abahutu bababeshya ngo barakorana.

Abayobozi b'amashyamba rero nibakomeze gushishoza cyane. Kuho abatutsi bese bakorera inkotanyi bashakira uko basenya amashyamba. Dore ubu hari n'umututsi wirirwa aririmba ngo uwamuguriza nibura

miliyoni 3 yasenyaye ariya mashyamba yose yirirwa asakuza.

Kubona abatutsi bagera naho bajya gucengera no mu mashyamba atari yemerwa n'amategeko. Mwe se muzi ko Ishyamba Sosiyalisiti Nyarwanda ko ritari ryemerwa n'amategeko. Ariko rero abatutsi ubu barahagurutse kugira ngo barihindure igikoreshe cy'inkotanyi. Ibyo twabibwiye n'umuyobozi wa Parti Socialiste Rwandais mu kiganiro yagiranye n'abanyamakuru ku wa kane le 12 Nzeri 1991.

Muri icyo nama Perezida wa P.S.R. Parti Socialiste Rwandais yatubwiye ko hari abayoboze ba P.S.R. bari no mu buyobozi bw'iryo shyamba bagendaga bahererekanya impapuro z'ishyamba rya F.P.R. Ku-

bera ko ibyo P.S.R. itabyemera yafashe icyemezo cyo kwirukana abo bagabo bakundwakaza F.P.R. Abo bagabo batanu kubera icyo mpamvu birukanwe muri P.S.R. akaba aribo Alexis BUKUBA, Médard RUTIJANA, François ZITONI, Antoine NTEZIRYIMANA, Jean Baptiste MBERABAHIZI. Ndetse ngo Antoine NTEZIRYIMANA yari amaze kunyereza amafaranga arenze ibihumbi mirongo itatu ku mutungo w'iryo shyamba.

Bayobozi b'amashyamba rero nimukomere mube maso kuko F.P.R. ishakira amayeri yose kugira ngo iyakoreshe bityo ibone uko igera ku imigambi yayo mibi yo gusubiza abanyarwanda ku ngoyi ya gihake.

Papias RUBERA